

Vanuatu Women's Centre

Januare 2025 | ISSUE 13



Ofisol Niusleta blong Vanuatu Women's Centre

NIUS EDITION



Retreat 2024 lo pele aelen.

Hapi Niu Yia 2025 lo yu we istap ridim wan kopi blong niusleta ia. Bigfala tankio lo ol branj ofis long Torba kasem Tafea mo lo evri gud wok we ij wan long yufala istap mekem long kantri blong yumi. Ol pikinini, ol yut, ol man mo ol woman. VWC i talem bigfala tankio iko long ol Jif, jioj lida, ol woman lida, Kavman wetem olgeta agencies blong hem mo ol defdefren NGOs long ol gud gudfa la sevis we ol pipol long komuniti oli kat akses long hem. VWC i talem thank yu tu long olgeta sevis we oli stap blong helpem ol pipol, espeseli ol woman mo piknin we oli fesem vaelens lo hom mo lo komuniti lo ol defren eria, ol aelen, provins mo lo kantri blong yumi.

Okanaesesen I plei wan bigfala role blong advancem jenda ekwaliti, mo adressem domestik vaelenes, olsem provaedem kaonseling mo sapot sevis long ol woman mo ol pikinini, provaedem sef haos, mekem ol komuniti aweanes about ol domestik vaelens , mo givim save lo saed blong loa blong mekem pipol i luksave ol difren rabis fasin olsem we i stap long loa. VWC hemi wok tu blong promotem edukesen, helth mo ekonomik empowerem blong ol woman mo ol gel. Ikat ol difren prokram we VWC hemi stap mekem olsem trening, workshop, meeting mo nara eria lo wok blong promotem ol woman lo saed blong leadership mo decision making lo defren level blong societi.

Long yia 2024, VWC ibin mekem wan Nasional Sevei blong lukim long laef blong ol Woman mo Famili Rilesensip blong olgeta mo lo yia 2025 oli wok blong putumaot ripot blong sevei ia. Okenaesesen hemi stap luk fowod lo olgeta wok long 2025 mo kontinu blong wok wetem yumi evriwan- ol family, ol jif, ol jioj, ol difren komuniti, mo ol difren ofis blong Gavman mo ol Non Gavman Okenaesesen blong yumi wok tugeta blong kipim Vanuatu I stap safe oltaem. Senta iwantem inkarenjem ol pipol blong yumi mas liv lo wan helti laef olsem hom blong yumi bae hemi hapi oltaem. Bae ino kat raorao insaed lo famili.

TAEM DISASTA IKASEM YUMI, WANEM NAO YUMI LUK ISTAP IHAPEN?

Taem we ikat disasta, oli faenem se famili inomo kat olting lo hoas, hoas idamej, faenem nara ples blong stap long hem, famili mas faenem wei blong fidim famili mo help.

Vanuatu Women's Centre hemi wok wetem plante agencies blong mekem sua se ol woman mo ol gel oli gat akses lo sef mo gudfala sevis blong preventem mo stopem Vaelens long ol woman mo ol pikinini.

Vanuatu Women's Centre hemi luksave longtaem sapot blong Gavman blong Ostreilia blong stopem Vaelens Agensem ol Woman mo ol pikinini, mo sapot blong Gavman blong Niu Zilan.



WISHIM YU FAREWELL GENISTA STEPHEN



Finance Team wetem Genista Stephen (lo left 3rd position lo middle).

VWC iwantem acknowledgem gudfala wok we Mrs. Genista Stephen ibin mekem lo taem we hemi wok lo okenaesesen lo wok blong addressem issue blong vaelens we ol woman mo ol pikinini istap fesem raon long Vanuatu. Mrs Stephen's hemi bin statem wok blong hem olsem wan volentia lo 2013, mo ibin wok olsem wan ofis assistant mo muv igo antap blong wok wetem finance team olsem finance/administration ofisa- we hemi lukaotem ol finance blong VWC thru aot lo Vanuatu. Mrs Stephen's hemi commitem hem bigwan, dedication, hardwork mo sem team hemi olsem wan pillar blong strength long field we hemi stap long hem.

Mifala ol staff I sori blong leko hemi go, be semtaem mifala glad blong lukim hemi kat wan janis we hemi ko blong kontinu long skul blong hem. Mifala i lukim gladhat mo komitmen blong hem long tugeta wok mo stadi we i mekem se hemi bin able blong kasem wan skolasip we gavman blong Niu Zilan i givim long hem. Long behalf blong VWC management, mo ol staff, mifala iwantem talem tok tankio long 12 yia lo organization, Integrity mo contribution blong hem towodsem goal blong organization ia ibigwan tumas.

Mifala wishim hem wan gudfala fuija mo all the best long studies blong hem long Otago University long Niu Zilan.

LOA I HELP BLONG MEKEM OL FAMILI I LUK SAVE SE OL PIKININI OLI MAS STAP SEF MO FEEL SEF OLTAEM

Zoey hemi wan yang woman we hemi live wetem wan patna blong Martin. Zoey I mitim Martin taem Martin I bin go blong wok long island blong Zoey. Taem contract blong Martin I finis, Martin I tekem Zoey mo boy blong Zoey blong oli folem Martin I go long island blong hem. Zoe mo Martin I gat tri pikinini.

Martin hemi gat wan bungalow mo Zoey hemi helpem Martin blong stap ranem business blong bungalow ya. Tru aot long maret blong tufala, Zoey hemi stap fesem ol rabis fasin blong vaelens, olsem Fisikol vaelens, emotional vaelens mo sexual vaelens, mo hemi givim mobile phone blong hem blong wan long ol trifala pikinini blong tufala blong hem I luk rabis video we I stap long mobile phone blong hem. Ol pikinini blong tufala tu oli fraet mo harem nogud from oli witnessem

Kontinu →

ol rabis fasin we papa blong olgeta I stap mekem long mama blong olgeta, we hemi includem ol rabis fasin blong sex tu.



Zoey hemi kam long VWC blong helpem hem, Zoey hemi bin decide se hemi moa gud blong hem wetem ol pikinini blong hem oli go bak blong luk ol family blong hem long island blong hem, from oli fesem plante rabis fasin.

Taem oli stap long island, Zoey hemi kasem sam pepa blong kot, we Martin hemi apply blong hemi karem every pikinini blong tufala blong live wetem hem. Hemi talem se hemi wantem blong karem evri pikinini blong stap wetem hem long risen se hem nao hemi gat watu mo i save lukaotem pikinini. Martin i talem tu se Zoey hemi no work, mo hemi no save sapote mol pikinini long saed blong watu.

Zoey hemi bin reply long kot mo talemaot long kot se nomata se hemi no wok, be hem wetem ol family blong hem I save lukaotem ol pikinini ya, from olgeta I gat graon mo ol karen blong kakae. Zoey hemi talem tu se hemi wari se sipos ol pikinini oli go bak long Martin bae oli save fesem ol semak fasin we oli bin stap fesem wetem daddy blong olgeta. Zoey mo loea blong hem I askem kot se bae kot bae hemi mas lukluk gud se wanem nao hemi stret blong olgeta trifala pikinini ya, mo Martin hemi no showem any guarantee long kot se bae ol pikinini blong hem bae oli safe spos oli kobak blong live wetem hem.

Jajmen we kot hemi givim, kot hemi sakemaot aplikesen blong Martin blong evri tri pikinini I stap wetem hem.

Storian hemi wan Case Study. Hemi no putum real nem blong pesen we istap lo stori ia.

INFOMESAN ABAOT WOK BLONG VANUATU WOMEN'S CENTRE

Vanuatu Women's Centre hemi bin bon long Septemba 2, 1992 mo ibin selebratem 30 yia ajivmen blong hem lo 2022. Hemi wan okanaesesen (NGO) we iwok blong stopem vaelens we igohet long ol gel mo woman.

VWC istap kodinetem wan nasonel prokram blong prevensen mo rispnses sevis long hedkuata long Vila. Insaed ikat:

- 5 Branj - Sanma Kaonseling Senta (SCC), Tafea Kaonseling Senta(TCC), Malampa Kaonseling Senta(MCC), Penama Kaonseling Senta(PECC) mo Torba Kaonseling Senta(TOCC).

- Ikat wan rural folentia Netwok blong 39 Komiti Agensem Vaelens Agensem ol Woman (KAWAW), we oli stap mekem aweanes mo ol activiti blong helpem ol woman mo ol pikinini.

- wan nasonel netwok blong ol Male Advocate (ol impoten man insaed long komuniti) we oli wok blong tokbaot raets blong ol man/woman mo wok blong stopem vaelens long ol woman mo ol pikinini.

VWC MO BRANJ WOK BLONG 2024



VWC mekem Aweanes toktok wetem Vanuatu Police Force, labour Dipatmen, VPF Crime prevention Unit lo Nguna aelen.



Sanma Counselling Centre ibin mekem Mobile counselling to solway corner.



VWC Kawav Trening blong Survey blong of Woman mo of gel to Vanuatu.



Progress Report updeit lo 2023 kasem 2024 workshop lo of wok we VWC ibin mekem.



Ostreilia Gayman wetem Save the Children visitem Malampa Counselling Centre.



Torba Counselling Centre ibin selebratem children's day to Vandedem station lo sola eria.



Ostreilia Ambassador blong Global Heith wetem representatif blong Ostreilia Hae Komisen kam visitem VWC ofis.



VWC patisipet lo Regional Trening Prokram lo Fiji




Tafea Counselling Centre iholem wan Infomesen Booth lo taem blong PSC Day 2024 lo Tanna.



VWC mo branj ofis ikat in house Counsellors Trening lo Jenda Base Vaelens Manejmen.



Penama Counselling Centre ibin selebratem Children's day wetem of Pikinini lo Lini Primary School Kindy lo Pentecost Aelen.



UNFPA Conductkem wan trening blong Case Management wetem VWC Counsellor.



VWC ibin selebratem Children's day wetem of Pikinini lo Amaro Primary School lo Lelepa Aelen.



VWC ibin attendem wan Training of Trainers wetem of nara pacific kantri lo Fiji.



VWC conductem Trening Workshop lo Jenda Base Vaelens wetem Young woman blong Care International mo Young gel blong Central Ward blong Sea Side.

OL FASIN BLONG PAWA MO KONTROL

•Ol fasin blong PAWA mo KONTROL hemi ol fasin blong fisikol mo physiological vaelens we oli yusum blong holem o kipim pawa mo control ova lo narawan.

•Ol fasin blong sexual abuse/vaelens hemi ol pat blong ol fasin o system blong ol behavior o fasin ia.Ol fasin ia oli kam moa strong o kat gat moa pawa from we ikat threat (o mekem narawan ifraet) o oli yusum fisikol mo seksuel vaelens.

•Ol kaen fasin ya(vaelens agensem ol woman) oli base long kiaman tingting o bilif system se ol man oli kat raet blong faetem ol woman, o oli save mekem oli fraet, oli selfis long olting, oli kat pawa mo control ova long narawan, oli no stap laekem pikinini, mekem se narawan ikat shem, o spoelem hem, ijusum blong soem se hemi strong be ino tingbaot raet blong hem, istap mekem vaelens oltaem, I destroy ol property, ino stap honest istap no laekem ol woman, o istap yusum ol woman olbaot.

•Be olgeta pipol isave jusum blong senisim bilif blong olgeta, o wanem oli laekem, o behavior blong olgeta. blong folem ol fasin we inogat vaelens.

WANEM NAO YUMI SAVE MEKEM?

- Sapotem ol woman long Human raets blong olgeta.
- Educatem ol woman about domestik vaelens.
- Educatem ol man blong jenjem ol attitudes blong olgeta tuwods ol women.
- Ol women we imared oli kat raet blong talem No long ol rabis tritmen we oli stap fesem.
- Yumi mas save loa blong kantri blong yumi mo helpem narafala pesen isave abaot Domestik vaelens mo fasin blong vaelens.
- Respectem ol woman.
- Educatem ol man long community blong oli save toktok long raet blong ol woman.

WOMEN'S RIGHT

Women from all Human races
Should be Embraced,
for their Uniqueness
That is the Quality
that Importance them

Women from different Backgrounds
Should be Empowered
with their Rights
That is their Security
that Protects them

Women from different Islands
Should be Educated
That is their Road
to a Bright Future

Women from different Societies
Should be Praised for
what they've done
That is their Talent
that keeps them going

Women scattered all around the World
Must be Respected for Who they are
That is their Dignity
that No one can take away.

Genista.T.Stephen 2022

Branj mo Senta blong ol Women

Telefon (678) 25764 | Fri Helplaen : 161

PO Box 1358, Port Vila, Vanuatu

Webset: www.vanuatuwomenscentre.org

Fesbuk peig: Vanuatu Women's Centre

Torba Kaonseling Senta: Sola Vanualava Island Torba Provins

-7648145 | 5493357 | torbaccvvc@gmail.com

Sanma Kaonseling Senta : PO Box 335, Luganville, Santo, Sanma

Provins- 36157 | 7771128

Penama Kaonseling Senta: Lavatu, Pentecost, Penama Provins -

7313952 | 5986827 | vvc.pecc@gmail.com

Malampa Kaonseling Senta: Lakatoro, Malekula, Malampa Provins

-7799165 | 5683670 | vvc.malampa@gmail.com

Tafea Kaonseling Senta: PO Box 835 Lenakel, Tanna, Tafea Provins

88660 | 7101869 | vvc.tafea@gmail.com

Dei blong Wok

Mandei kasem Fraedei 7:30 -16:30

Sarere 9:00 - 12:00